

Barbaſtige Zeitung. Von den Gottloſen Hexen/

Auch Kegeriſchen vnd Teuffels Weibern / die zu
des heiligen Römische Reichs Statt Schlettstatt im Elſaß / auff
den XXII. Herbstmonats / des verlauffenen Siebenzigsten Jars /
von wegen irer ſchentlicher Teuffelverpflichtung / verbrent worden /
Sampt einem kurzen Extract vnd außzug etlicher Schriff-
ten von Hexerey / zuſammen gebracht.

Durch Reinhardum Lutz Erythropolitanum.



M. D. LXXI,

MARTINVS LVTHERVS

Tomo colloquiorum.



Zauberey ist des Teuffels selbs eigen werck / darmit er den
Leuthen (weñs im Gott verhengt) nicht allein schaden thut / Son-
dern sie offtmals gang vnd gar dadurch erwürgt vnnnd vñbringet /
ja wir seind beide mit leib vnd gut / als frembdling in dieser Welt /
dem Teuffel vnderworffen / 2c. Darumb kan er auch durch seine Huren vnd Zau-
berinnen den Leuthen (wenns im Gott verhengt) wol schaden thun an leib / gut
vnd ehren. Vnd daselbs weiter spricht er: Wiewol alle Sünde sein ein abfall von
Gottes wercken / damit Gott gewulich erzürnet / vnd beleidiget wird / doch mag
Zauberey von wegen ihres gewels recht genannt werden / ein Rebellion / vnd
solch Laster / damit man sich fürnemlich an der Göttlichen Maiestet zum höchsten
vergreiff / Den wie die Juristen sein künstlich disputieren / vnd reden von man-
cherley art der Rebellion / vnd mißhandlung wider die hohe Maiestet / Vnd vn-
der andern zehlen sie auch diese / weñ einer von seinem Herren feldtflüchtig / trew-
loß wirt / vnd begibt sich zu den Feinden / vnnnd denselbigen allen erkennen sie zu
die peinliche straffe an leib vnnnd leben: Also auch / weil Zauberey ein schentlicher
gewlicher abfall ist / da einer sich von Gott / dem er gelobt vnd
geschworen ist / zum Teuffel / der Gottes feind ist /
begibt / so wirt sie billich an leib vnd
leben gestrafft /
Hæc ille.

In der Hexerey ist

Prima causa ipse Deus

Secunda Satanas

Tertia Lamia

Deus permittit

Satanas efficit

*Lamia consentit &
cooperatur.*



24245.42.5 *

Kittredge fund

Dem rechtgleubigen vnd guthertzigen
Leser/gnad vnd heil / durch Christum den Son
Gottes / vnsern HERRN
vnd heiland.

Der heilig Apostel Petrus hat nicht
vmb sonst vnd vergeblich die Lieben zu
seiner zeit / hin vnd wider vertriebne vnd
verstrewete Christen ganz treulich vnd
herzlich vermanet vñ gewarnet vor dem
arglistigen Satana / dieweil er seiner böß-
heit nach / nicht der menschē heil / sondern
ewigs verderben sucht vnd begeret / vnd derwegen allezeit
tückischer weiß sich vnderstehet / die lieben Christen von irem
waren vnd einigen Erlöser Christo Jesu abzuführen vñ ab-
trünnig zu machen. Darumb erfahren vnd haben auch wir / zu
diesen vnsern fast armen vnd verbitterten zeiten / nicht allein
schedliche spaltungen in heiliger Christlicher Religion / durch
welche der verfluchte vnd verdampfte Geist Belial die Christ-
liche Kirch zum heftigsten bemühet / bekümmert / vnd gleich
im fundament bewegt vnd erschüttert / sondern auch diese nit
kleine Calamitatem vnd trübsal / daß viel Personen hin vnd
wider im Christenthumb sich in gewliche vnd erschreckliche
Abgötterey auß des listigen Geistes persuasion begeben vnd
einlassen / vñ nach verleucknung Christliches Glaubens / der
heiligen Sacrament / vñ fürnemlich der heiligen Tauff / ihme
dem Teuffel sich verpflichten / versprechen / vnd mit Leib vnd
Seel ergeben / Als den nun ohngefehlich vor vier Jaren
(wie meniglich desselben gnugsamen bericht hat) der leidig
Satan hiez zu Schlerstatt ein newe vnerhörte vnd verdampfte
Rehercy vñ Gottsesterung bey etlichen Personē angezündt
vnd auffgebracht / Also hat er jegundt widerumb / demnach er
ganz vnruhig vnd listig ist / kurz verschiener zeit / ein neuen
lermen vnder vns angefangen / den der verzauberten Weibs
personen etlich nach gewisser examination vnd erfahrung ges-
funden / wie sie sich mit den bösen Geistern eingelassen / nach

1. Petri 5.
Satan ist Got-
tes widersas-
cher.

Belial ist Gott
loß.

ANNO 1566.

Vorrede

verachtung warer Religion/mit schantlicher/teufflicher/vñ
verfluchter verpflichtung/darumb sie den vermög Göttlichs
vnd weltlichs Rechts ihz gebührende straff empfangen/vnd
ihren woluerdienten lohn vnd werth daran genommen.

Siweil aber/wie ich vernomen/bey manns gedencen/
vnd lenger/diser vrsachen halben kein Person hiez zu Schletz
statt gericht vnd abgethan worden/vnnd villeicht(wie denn
der Liechtscher halben vor auch geschēhē)vil gedencen/auch
schliessen möchten/daß man vngbürllich vnd nicht rechtmieß
sig mit diesen Personē gehädlet/dieweil viellerley opiniones
dieser Zauberschen sachen halben hin vnd wider auffkömen/
getrieben vnnd gehört werden/So hat mich für gut angese
hen/solchen Actum/sämr der gangen handlung/so viel mir
fundt vnd zu wissen/in Truck außgehen zulassen/damit me
niglich guten bericht vnd gnugsamen bescheidt bekömen/vñ
deß ein billiches Vrtheil felle. Das wöllestu günstiger Läser
also im besten von mir verstehen vnd auffnemen/vñ mit mir
Gott den Allmechtigen von herten anruffen/vñ Bitten/daß
er allen vnnd jeden lieben Christlichen Oberkeiten verleihē/
auch gebe seine Göttliche gnad/hülff/vnd beystandt/damit
die ware Christliche Religion befördert/vñ alles was dersel
bigen entgegen vñ zuwider sein mag/abgeschaffer vnd hins
weg gethan werde/2c. Datum Schletstatt/

den leyten tag Herbstmonats
im Jar 1570.

Reinhardus Lutz
Erythropolitanus.

Von

Von den Gottlosen Hexen / auch Re-
herischen vnd Teuffels Weibern / die zu des heis-
ligen Römischen Reichs Statt Schlettstatt
im Elßß / seind verbrent worden / 2c.



Ierwol von Gott allein / als denn
die Göttlich Schrift hin vnd wider leh-
ret / vnd bezeuget / alles gut / desgleichen
alle straffen herkommen / so gebrauchet er
doch gemeiniglich zuuerrichtung beider /
des diensts der guten vnnnd böser Engel:
Von der guten Engel dienst schreibt S. Paulus zu den He-
breern / wie sie dienßbare Geister / zum heil der menschē von
Gott gesandt werden / Von der bösen aber spricht David /
daß Gott böse Engel gesandt in seinem grimmigen zorn / vñ
hab sie toben vnd wüten lassen / vnd leids thun.

Esā. 45.

Amos durchs
auß.

Deut. 28.

Heb. 1.

Psal. 77.

Nu sind aber dieselbigen nicht einerley / sondern vieler-
ley / Denn etliche / nach dem sie auß dem Himmel mit Lucis-
fer verstorffen / bleiben vnd wonen noch bey der Sphoeralung,
vnnnd werden von wegen des fetwers / ignei genant: demnach
sind terreni, die auff Erden bey der nacht die Leute irig ma-
chen / oder vnter ihnen sonst viel vnruh vnnnd leidens anrich-
ten / als daß sich die verzagte menschen offtermals erhencen /
erstechen / oder in ander weg umbbringen. Weiter Aquarij,
daß sie bey den Psüßen vnd Flüssen gern wohnen / vnnnd der-
halben offtermals zu wegen bringen / daß sich die trostlose
vnd verjammerte menschen ertrencken / vnd werden von vie-
len wasser oder Meerfrewlin genant / gleich den Syrenen /
darumb daß sie sich bißweilen auff dem Meer sehen lassen /

psellus de damo-
nibus.

Es sind viel
geschlecht der
bösen Geister
habē auch vn-
terschiedliche
örter / in wels-
che sie am an-
fang ires fals-
eistlich verz-
storffen wor-
den.

Hec Ioannes
vnd Trithemius.

Von den Heyen

vnd die Schiff versencken. Es ist auch ein geschlecht der verdampften Geister / die man nennet Subterraneos, dieweil sie fast vnd gern sich in den Holern vnd Gruben / als Bergwercken / behelffen / dahin sie die Menschen verzauberter weise führen / vnd ihnen wunderbarliche vnd erschreckliche ding fürbringen vnd zeigen / Wie denn die Alten von Fraw Venus Berg gesagt haben : Es sind auch der Scheshüter vnter ihnen / die von den vnmenschen vnd Geisshelffen vergraben worden : Weiter werden auch erzelt Liechtflüchtige finsternus geister / die alles Liecht hassen / die der heilig Paulus darüb nit vnbillich heist / *rectores tenebrarum*. Vnd zum letzten sagt man von den aller gefehelichsten Teufeln / welche in den Lüfften wohnen (vnd darumb Aeri genant werden) *in media regione aeris*, denn die nicht allein im gewölck grosse sorgliche tempestates, vngewitter / vnd schedliche vngestümmigkeiten erregen / vnnnd zum mercklichen schaden bewegen / sondern auch (wie die erfahrung mitbringt) in ihren vom Luft angenommenen Körper sichtbarlich erscheinen / vnd den Menschen / fürnemlich aber den Weibsbildern / hefftig zusehen / auff daß die ihnen hulden / vnnnd folgende allerley vnrathe bey den Creaturen helffen anrichten / vnnnd stifften / vnd die nent man gemeiniglich Lamias, Heyen oder Vnholden.

Daß es aber den Engeln vnd guten Geistern möglich / dergleichen Leib an sich zunemen / haben wir klare vnd gute zeugnus auß heiliger Schrift / Genesis 18. 19. Tob. 5. an welchen orten denn deutlich zusehen / wie die lieben seligen Engel diesen Gottseligen Menschen zum sondern trost erschienen / So schreibt Lucas von dem Engel Gabriel / wie er dem Zacharia im Tempel erschienen / vnd darnach der gebenedeyten

Ephes. 6.

Abbas Spanheimensis.

S. August. de Trinit. lib. 4. cap. 11.

Quid magnū est diabolo & angelis eius, de corporeis elementis per aerea corpora facere, quae caro miratur.

Gen. 18. 19.

Tob. 5.

Luc. 1.

so zu Schletstatt verbrent.

nedelten Jungfrawen Maria / des menschlichen geschlecht
erlösung verkündiget hab. Daß aber solches auch den bösen
Engeln zuthun möglich / bezeuget nicht allein die geschichte
des Herren Christi / von S. Mattheo beschrieben / als der bö
se Geist jnen in der wüste versucht hat / Sonder auch der H.
Gregorius / Cum inquit: Satanas quamuis amisit gras
tiam, tamen non amisit potestatem.

S. Gregorius in
Iobum.

Weil nu diese geschwinde Geister wol wissen / wie bald
die Eva verführet / vñ in grosse gefahr leibs vnd der seelen kom
men / so nemen sie an sich vom Luft vnd Erden leibe / wie sie
die haben wollen / junger oder alter / menschlicher oder viehi
scher gestalt / doch nit wie der mensch / den da kein empfindlich
leben / wahre Seel / noch menschlich informirung ist / weder
augen / bauch noch eingeweid / Darumb ob gleich ein solcher
böser geist geberdet / als ob er eß / trünck / sehe / &c. So ist doch
alles ein wahn vnd verblendung. Mit solchen leiben aber to
men sie oft zu Weib vnd Man / sprechen in freundlich zu /
verheissen gut vnd ehre / wie der Teufel denn Christo selbs ge
than / vnd wie bald sie bewilligen / als bald machen dieselbige
geister mit jnen bündnisse / weisen vnd lehren sie der hoffart /
geizigkeit / fleischlichem lust / neid vnd haß / &c. gnug zuthun /
Also vnterwerffen vnd ergeben sie sich den Teufeln / mit son
derlicher weiß der Profession.

Genes. 3.

Aristo. lib. 2. de
anima.

Perfugia demo
num.

Matth. 4.

Nota fürnem
lich di. Tauff.
Abrenunciandici
tur Satana, &c.

Plinius.

Zauberey vnd herenwerck erwachsen auß armut /
trawrigkeit / fleischlichem mutwillen / neid vñ haß /
&c. S. August. lib. 3. de Trin. cap. 7. & cap. 9.

Magica artes per aereas potestates possunt quicquid possunt,
nec valent aliquid nisi data de super potestate, &c. Et, ipse est vnus
creator Deus, ex cuius ineffabili potentia fit etiam, vt quod pos
sent Angeli (scilicet mali) si permitterentur, ideo non possint, quia
non permittuntur, &c.

Denn

Von den Hexen!

Ioannes Trithe-
mius.

Elliche wölle
wie diese be-
ren dem Teu-
fel opffern/
vnd erwan dē
bund mit eig-
nem blut be-
stetigen.

Vide Exodum.
Iob 1.2. & 10.

Apoc. 17.

Matth. 8.

Nota/ die le-
gio der teufel
ist auß dē bei-
den menschen
indie schwein
gefahren.

Acto. 12.

Denn erstlich/ vnd fürnemlich / so verleugnen sie den glauben an Christum/ vnd den heiligen Tauff / vnd ergeben sich mit Leib vnd Seel dem Satan/ für eigen/ vnd in ewige dienstbarkeit: Diemweil denn der Teufel / als wir auß vil vnd mercklichen Exempeln der heiligen Schrift endelich vernehmen / vbel gegen allen Menschen gesinnet/ derwegen stetig begert er sie/ vmb leib/ leben/ vnd alles zubringen. Er ist aber doch so krafftlos vnnnd ohnmchtig / wenn ihme Gott nicht verhengt/ einig ding zuuolbringen/ also wie neidig/ giftig/ vnnnd zornig der Teufel wider das menschlich geschlecht ist/ kan er doch nichts volbringen / wo er nicht ein gewalt von Gott dem Herren erbettelt vnd erlangt/ wie solches am Job zusehen/ dem der Teufel nachstellet / vnnnd trachtet nach seinem verderbnus / aber nicht ein härlein hat er ihm ohn verhengnuß Gottes auff seinem Haupt bewegen können. Desgleichen haben wir im neuen Testament/ daß der Teufel dē Schweinen nichts hat thun können/ biß es im Christus vergunnet.

Warumb verhenget aber Gott der Herr dem Teufel so viel / daß er Viehe vnd Leuten an Leib vnnnd Gut grossen schaden zufüget/ Erstlich/ darmit er die frommen vnd Gottesfürchtigen in ihrem Glauben probier/ ob sie gleich so wol in trübsal als glückseligkeit bestendig bleiben wollen / Wie am Job/ Tobia/ u. zusehen. Darnach daß er die Gottlosen/ verführe/ vnd böse Menschen straffe/ ob sie vielleicht ire Sünden erkennen/ buß thun/ vnnnd dem ewigen schaden fürkommen wolten. Item/ damit sie hie vnd dort zum Exempel gestrafft werden/ als dem Herodi/ vnd andern geschehen/ vnd widerfahren.

Der vnschuldigen Kinder halben aber/ die für sich selbst nichts

so zu Schlettstatt verbrent.

es is wider Gottes Gebot handeln noch thun können / hat es diesen bescheid / daß sie bißweilen umb irer Eltern sünden willen leiden müssen / solche verzeubering vnd Teufels plag / Dieweil der Herr Gott zu den Jüdischen Volck gesprochen: Ich bin ein Gott / der Heimsucht der Vetter Wißethat an den Kindern biß in das dritt vnnnd vierdte glied / Ja an denen die mich hassen / etc. Vnd damit die Alten bey ihn selbs bedencken / wie hart der gerechte Herr die verrüchten sündler / so auß freiem willen / vnnnd grosser vermessenheit vbel thun / straffen werde / gleich wie Christus zu den Weibern zu Jerusalem im außführen sprach: Geschicht das dem grünen Holz / was wirdt dann dem durren wiederfahren.

S. August de ciui.
ta. Dei. S. Hiero-
nym. ad Paulam.
Exod. 20.

Luc. 23.

Darzu haben die Mütter vielmals kleine sorg zu iren Kindern / demnach sie selbs rucklos auffstehen / vnnnd nieder gehen / sunt equus & mulus, wie Dauid spricht: Vnd vielleicht gleich so baldt die Kinder ins Teufels / als in Gottes Namen / schlaffen legen / da sie doch mit den lieben Eltern (von welchen Marcus schreibt) dem Herren Christo ihre kinder treulich / wie sich selbs befehlen solten / darmit er ihnen die hende auff legen / vnd sie gnediglich gesegnen wolte.

Marc. 10.
Etliche sagen
von eim Sco-
pter mit vier
Knöpfen /
Olau Magnu
aber von eim
Hafen / darin
sie / die Unhol-
de / safft / Freu-
ter / würrn od-
erlicher Thier
eingeweid sie
den. Item ei-
ne Roßkopff /
de sie beschwe-
ren mit t. use-
lichem segē /
Eccl. 3. cap. 14.

Demnach aber die Hexen oder Unholden / sich ganz vnd gar dem Teufel ergeben / vnd in ihme ersoffen sind / So suchen sie nichts anders mit ihren Teufeln / denn das verderben der Menschen / Derhalben sie durch der Teufel hülff vnd beystand / offtermals den Luft betrüben / grosse Wetter machen / Die Frucht hiemit auff dem Feldt verderben / Die Menschen vnd das Viehe verzaubern / krank machen / vnd tödten / auch nicht anders meinen / denn daß sie alles selbst thun / was denn der Teufel auß verhengnus Gottes thut. Wo sie denn was verderblichs anrichten / vnd machen wol-

B

len /

Von den Hexen

len/gebrauchen sie sich etlicher Ceremonien/ sprechen dar-
mit den Teufel an/ denn fehret er hin/ da Wetter von Na-
tur selbst in den Lüfften sind/ treibts an das end vnnnd statt/
da sie ihren neid vnnnd haß mit Raach vollstrecken willens/
dardurch es denn hagelt/ reiffet/oder sonst mercklichen schä-
den thut.

Satan griffe
den Job an
mit gar bösen
g. schwerē/vō
d fußsolen an
biß an die
scheitel/ etc.
Job. cap. 2.

Weiter ist zu wissen/daß die Zauberer durch ihr Teu-
fel auch viel Wunder treiben mit Arzney/ Demnach sie
Viehe vnnnd Leuthe biß auff den tod verlesen/ das geschieht
also/ als baldt der Teufel der Hexen bösen willen/ schaden zu
thun/ vernommen/ so baldt samlet er zusammen allerley Vn-
raths/ den treibt er wunderbarlich durch die Poros vnnnd
Schweißlöchlein in das Corpus vnnnd Leib hinein/ lests den
im fleisch ligen/ gleich als/ so einer ein Stein in das wasser
leget/ vnnnd zeucht die Handt wider herauf/ leß den stein lie-
gen/ denn sihet niemands/ wie der stein in das wasser kom-
met/ Daher denn Viehe vnnnd Leut verlegt/ vergiftet/ vnnnd
presthafft werden/ denselben sie auch widerumb helffen könn-
en offtermals/ aber nicht allwegen.

Der eingriff
geschicht/
gleich wie ein
fischer in das
wasser greift/
vnd ein fisch
zertreckt/daß
er verdirbt
vnd stirbt.

Es geschicht auch/ daß die Menschen durch des Teu-
fels eingriff/ Lungen/ Leber/ vnd Lenden siech werden. Item
vnsinnig/ hirnwütig/ vnd hin vnnnd wider lauffen müssen/
alles auß dem bösen Geist/ der die gemüter dahin reißt vnnnd
zwingt.

Vnd demnach viel der Weib vnd Manns Personen
von dem arglistigen Teufel betrogen/ vnd verführet werden/
Leßt er die bißweilen an heimliche örter zusammen kommen/
Teufelischer vnd verzauberter weise. Denn da brauchen sie
abermahls ihre Ceremonien darzu/ Desgleichen Saiben/
etwan von Thieren/ oder gesottenen Kindern/ so sie ge-
macht

so zu Schletstatt verbrent.

macht haben/ Wiervol das nichts zu dem faren thut / denn die bösen Geister führen sie zusammen durch die Luft/ vber Stedt/ Dörffer/ Berge vnd Thall. Nun in solcher Versammlung richten sie auß/ was sie in ihren Heusern nicht mögen zu wegen bringen/ als zu hulden/ Gelübnuß geben/ vnd was ire Bündnus innen helt/ einander zubefehlen/ was Vnraths sie stiftten wöllen / auch was ein jedes für sich selbst außzurichten hat/ vnd also ire Laster vnd Hexenwerck zu vollenden. Vnd solches/ durch die Luft ausfahren/ findet man auch in heiliger Schrift / darinn vermeldet/ wie der Engel Gottes den Abacucck aus Judea in Babyloniam zu der Löwengruben/ darin Daniel lag/ geführt hab.

Daniel 14.

Man hat etliche Weiber gefunden/ welche die Kinder getödtet/ vnd ir fleisch eingesalzen haben / Vnd ich hab eine gesehen richten/ die diese grausame that begangen.

Hec Hieronymus Cardanus lib. 15. cap. 80. etc.

Nun aber/ daß viel vermeinen/ Es sey dieses alles eitel Fabelwerck / oder ein Melancholisch Phantasien/ besonder imagination vnd einbildung/ Seind auch etliche ganz vnd gar dawider / vnd sprechen : Weil auß vielen erfarnussen kundi vnd offenbar / daß ihren viel mit einander stimmen/ vnd mit einerley verderbnuß vnd thaten vmbgehen/ Wie denn denen / die treum haben / begegnet nicht für vnd für ein ding/ vnd nicht alle zeit auff ein weiß / Zu dem/ so lehren sie solchs auch andere/ vnd etwan ihre eigene Töchter / Sie zeugen auch oft wider einander/ vnd stimmen in den Gesichten vnd zeit zusammen. Sie zeigen auch an / daß sie mancherley versamlungen halten / vnd derselbigen Obersten/

Gemeine versammlung vieler Hexen/ dahin die teufel in ein gnußsam speiß vñ träck bringen sollē.

Von den Hexen!

sten/auch ihre gewonheiten/darzu verharren sie auch bestendiglich/Wie möchte denn ein sach/daran nichts were/also steiff in so viel Leuten/welche nicht eines wesens/alters/standes vnd natur/also lang werend sein/wenn allein ein Imagination/vnd nicht ein rechte empfindligkeit an dem handell were.

Vnd darben sol ichs bleiben lassen/denn mein Intention vnnnd fürnemen gar nicht/weitleufftig von diesen sachen zuschreiben/dieweil dieser zeit vnd zuuor dieselbigen von vielen Hochgelerten vnd Wolweisen gnugsam erörtert/vnd an tag gethan: sondern allein zu einem Ingress vnd eingang der verlauffenen handlung/in kurz verschiener zeit etlicher dermassen Hexen vnd fekerischen personen halben/hab ich hiers von etwas meldung thun wollen.

Theophylactus, Bulg. Archiepiscopus.

Von der krummen Frauen/Lu. 13. schreibt/diese Franckheit ist der Frauen begegnet/vnd widerfahren von dem bösen Geist/vielleicht vmb ihrer sünden willen ist sie von Gott verlassen/vnd dem Satan zur straff übergeben worden/Denn allerley vnsel der Satan dem menschlichen Körper zufüget/wie bald es ime von Gott wird zugelassen/etc.

Daß aber die Unholden nichts anders mit iren Teufeln/denn schaden vnd verderben der andern Creaturen suchen/Auch sie nicht anders meinen/denn sie selbs thun/was der Teufel auß verhengnus Gottes thut/Zu dem sich verleugnen des glaubens an Christum Jesum/aller heiligen Sacrament/vnd der ganzen Christlichen Religion/vnnnd nach schandlicher Teufels verpflichtung ganz vnnnd gar mit Leib
vnd

so zu Schletstatt verbrant.

vnd Seel dem Teufel ergeben / Darumb sollen sie zum todt
verurtheilt / vnd am leib vnd leben gestrafft werden. / Wie denn
solches beide Göttlich vnd Weltlich recht heissen vnd befeh-
len / da sie sprechen : Die Zauberinnen soltu nicht leben las-
sen. Item / wenn ein Mann oder Weib ein Warsager oder
Reichendeuter sein wirt / die sollen des tods sterben. / 2c.

Cod. lib. 9.
Titul. 18.
C. Imp. Const.
Exod. 22.
Leuit. 20.

Darnach viel gebrauchen sich zeuberischer Künsten /
vnd vermessen sich / die Element zuerwirren / vnd vnschül-
dige Leut zuuerlehen / vnd beschedigen. Diese / weil sie der
natur frembd vnd feind sind / sollen sie / wie die vnuernünfft-
lige Thier / vom leben zum todt gericht werden.

Diese Constitution vnd Sagung aber (spricht ein fast
gelehrter Man / nemlich / Joannes Trithemius) belan-
get / vnd trifft nicht allein die Hexen vnd Teufelsweiber / son-
dern auch Schwarzkünstler / vnd Teufelsbeschwerer / denn
die brauchen alle solche Kunst / die voller fluchs / vnglau-
bens vnd Gottlosigkeit steckt / Denn damit sie die Teufel zu
ihrer dienstbarkeit bringen / brauchen sie vnd halten schandt-
liche Opfer / machen mit dem Teufel ein außtrücklichen
pact vnd verbündnis / durch welchen jren gottlosen aberglau-
ben sie auch groß vbel volbringen / vnd andere mit ihnen in
die gruben des Teufels ziehen / vnd verfellen / Darumb soll
man solche Schwarzkünstler / gleich so wol als die Hexen /
nirgend leiden vnd dulden / Sonder allenthalben von grund
aufrotten / Wie denn Gott der Herr befohlen hat / sprechen-
de: Die Zauberer vnd Hexen soltu mit leben lassen. / 2c.

Necromantick,
Schwarz-
künstler.

Exod. 22.

Wie nu aber die verdampften vnholden auß hülff vnd
beystand der Teufel / denen sie sich ergeben / vnd mit welchen
sie vngewöhnliche Werck des fleischlichen wollusts treiben /
Blitz / Leutz / 2c. schedigen vnd verderben / so kommen sie in

Von den Hexen

argwohnen deßhalben / daß bißweilen sie sich eines vn oder widerwillens gegen den Menschen die sie zu schädigen willens annemen / wo man ihnen nicht gleich gibt vñnd thut alles / das sie begeren / Darauf denn folgt / daß solche schaden ihnen zugemessen vñnd zugelegt werden / Dergleichen ist auch hie zu Schleitstat geschehen / da eines Schreiners Fraw in ihres Nachbawren Haus viel gewandelt / vñ im lezlichen ein jung Kind an einem erblein erbermlich verderbt hat / vñ hernach zum theil mit baden / Kreutern / etc. widerumb geholffen / Auff solches ist einem Becken ihrem Geuatter / auch einem Kindt ein Schenckel verlest worden / vñnd dermassen beschädiget / daß ein armer anblick gewesen / Als nun des Kinds Vatter vmb Recht bey der Oberkeit angesucht / ist sie angegriffen / vñnd gefenglich eingezogen worden / Vñnd als diese lesterliche Person peinlich gefragt worden aller sachen halb / hat sie doch nichts bekennen wollen.

Hieronymus Cardanus lib. 15. cap. 80.

Woher aber diese der Hexen hartneckigkeit komme / zeigt an der hochgelehrte Hieronymus Cardanus / vñnd spricht / So man aber diese Ketzerische Weiber / Teufelsverehrer / vñnd Todtschlegerin gedencet zu straffen / sind sie so hartneckig vñnd also steiff / daß sie durch kein bescheidenheit / noch durch der ihren erbarmunge / noch durch grosse marter oder forcht des todes mögen bewegt werden / dieses kompt daher / daß sie in sich fürbilden / wie sie ihre Teufel Peterlin / Löblin / Bolland / etc. von der straff vñnd marter erlösen werden. Wenn aber jemandt ihnen andere fürwirfft / wie sich offft begibt / welche vmbkommen vñnd getödt worden / antworten sie / daß die auß des Teufels zorn verdorben / weil sie dessen heimlichkeit geoffenbaret / Also bestehen sie in der marter / vñnd bekennen nicht ein gute zeit / auß zwifacher furcht / von wegen der grausamen

so zu Schletstatt verbrent.

men straff (den lebendig verbrent werden/ist ein hertere straff
weder die mörder haben) vnnnd denn auß furcht der grimmig
gen Teufel/it.

Die straff der
Hexen nach
dem Gesetze
bendig vers
brennen.

Als mann aber von ihr nicht abgelassen / sondern von
newem / demnach der argwohn vber sie fast groß gewesen /
an sie gesetzt / ist sie zulezt herauß gefallen / vnd hat frey ledig
vnd öffentlich bekant / was geschehen / vnd wie es zugangen /
auch welche ihre Gespielen vnnnd Mithelsserin / zu welchen
denn auch als bald man griffen / sind sie gleicher gestalt hin
vnnnd wider eingezogen vnd gelegt / Vnd demnach sie auch
zuuersehen vnnnd bekennen getrieben / haben sie dieses alles /
wie nachfolget / bey guter vernunft vnd bestendtllich einem
Ernamen vnd weisen Magistrat bekant vnd angezeigt / vnd
erstlich hat:

Anna Niclaus Strauben des Schrei ners Hausfraw /

Eckennet / Als sie ihr Mann / den sie vor jaren zu Os
senburg gehabt / sonst / vnd auch in dem Kindbett /
vbel geschlagen / außgejaget / vnnnd gesprochen: Ich
wolt / daß dich tausend / oder ein Thonnen vol Teufel hin
führten / sey sie in leid / kummer vnd anfechtung gerathen / da
denn der böß Geist nicht gefeiret / sonder erstlich als ein schö
ne Fraw / oder Jungfraw / vnnnd denn in eines Manns ge
stalt geel gekleidet / ihr erschienen / vnnnd gesaget / Thust du
meinen willen / so wil ich dich lernen / daß dich dein Mann
nicht mehr wird schlagen / Darauff sie ihm etlich mahl zu
willen worden.

Item /

Von den Hexen

Des Teufels
Nam, Laub. Item/ als denn so hab sie der böß Geist/ so ihr Bul ge-
wesen/ vnnnd sich Laub genennet/ gedrunge/ vnnnd angehal-
ten/ da jr von jemanden leids widerfahren/ daß sie demselben
solle schaden zufügen.

Also hab sie einen Nachbarn/ ein Becken/ daselbst ge-
habt/ dem hab sie erstlich ein schaden an einem Arm zugefü-
get/ da sich aber der widerwill zwischen ihnen gemehret/ hab
sie der Böß geheissen/ sie solt ihm ein schmach zufügen/ dar-
durch er heftiger beschediget/ Also hab sie in (als er in einem
Beckenfirtuch vor dem Backofen gestanden) einen griff ins
Teufels namen an sein heimlich ort geben/ daß er verfaule/
vnd letztlich dessen sterben müssen.

Item/ daß sie dessen/ vnnnd anderer mehr sachen hal-
ben zu Offenburg berüchtiget / vnnnd darumb da weichen
müssen.

Item/ daß sie solches geschreyes halben/ vnd auff ange-
ben gedachts Beckens/ zu Strassburg gefenglich eingezogē/
vnd darüber befraget/ vnd folgendes der Stadt/ vnd des Bi-
stums verwiesen worden.

Item/ daß sie auch einem Metzger zu Offenburg mit
irrer hereren eine kuh ombbracht.

Item/ einer Bewrin/ so auch nit weit von jr gesessen/
eine kuh verderbt/ auch wollen ein kalb ombbringen/ weñ sie
es nicht so bald verkaufft hett.

Item/ als man sie daselbst zu einer Hochzeit nicht las-
den/ oder Breutsup schicken wollen/ hab sie bezauberte krenz
in das Haus hinein geworffen/ vnnnd darmit vnterstanden/
zuwegen zu bringen/ daß die Hochzeit Beste keine gute stun-
de solten bey einander haben/ vnd wenn sie ein andere Jung-
fraw auffgesetzt / würde ihr das haar außgefallen sein / wel-
ches

so zu Schletstatt verbrent.

ches ihr aber nicht gerathen / Denn man außserhalb ihrer bekentnis in guter erfahrung / daß ein Kneblein die auffgehaben / vnd an ein vnort geworffen / welchs kneblein eins mals zu boden gefallen / vnd gleichsam todt blieben liegen / Als es aber wider zu ihm selbs kommen / gesagt / diese Schlang / so in der kammern umblaufft / hab es also gebissen / vñ als bald mit geschwulst / vnd feulung dermassen behafft worden / daß es daran sterben müssen.

Item / einem Kübler oder Böttiger daselbst / habe sie ein Töchterlein verheret / daß es auch sterben müssen.

Item / einem Kesseler hab sie zwey Schweinlein vmbbracht.

Item / zu Kürßdorff hab sie einer Frawen ein Arm geslembd / es sey jr aber wider geholffen worden.

Item / als sie nachmals alhier gen Schletstatt kofien / hab sie ihr Bul Laub wider heimgesuchet / zwey mal in der Schlanggaß / vñnd ein mal in dem Hauß auß der Jüden Schul / darin sie gewonet / vnd widerumb getrieben / vnd an gehalten / daß sie solle den Leuten schaden thun.

Hab also Jacob Engellender dem Schuhbleker ein trunck zugerüst / daß er von sinnen kommen / vñnd von der Frawen gelauffen / wil jr kein gnad mehr haben.

Item / so hab sie Michel Künßheim auch ein trunck geben / daß ihm dergleichen solt widerfahren sein / Gott dem HERRN sey lob vnd danck / daß ihrem fürnemen nicht gelungen.

Seinem Kind aber hab sie ein schaden gethan / welchs sie auß der Wiegen herab in die Stuben geworffen / vnd aber ihm wider geholffen.

E

Vnd

Von den Hexen/

Vnd ein Bercklin hab sie jm verderbt/ Jacob Gunttern ein Kind verderbt.

Item/ Claus Welten ein Kind verhetzt/ vnnnd als sie ihm vnterstanden wider zu helffen / hab sie des Kinds Mutter wollen angreifen/ dermassen/ daß ihr löcher in die brüst gefallen/ vnnnd versaulet weren / denn sonst können sie nicht wider helffen/ sie verderben denn ein anders an der stat/ Aber sie habe sich so wol vor ihr gesegnet / daß sie nichts schaffen mögen.

Item/ Philips Kürtschen frawen hab sie sechs schweinen getödt.

Item / Herz Hansen dem Diacon oder Helfer zwey Schwein getödt.

Item/ Herz Jacob Ostertag zwey Rüh mit irem Teufelischen fluch geschlagen/ daß sie sterben müssen.

Item/ sie hab Martin Ergerßheim Frawen auch bezaubert/ daß sie nicht bey sinnen.

S. Leonhard
ist ein Capell
auff ein stein-
wurf von der
Stadt/ heist
sonst zun gu-
ten Leuten.

Item/ viermal sey sie mit ihren Gespielen in der nacht bey Sanct Leonharden im Garten gewesen / Ihr Bulne me sie bey einem Arm/ vnd fahr mit ihr hinauß / Sie haben draussen gedankt/ vnd ihr Gespielen Bulen einer hab darzu gepfiffen.

Sie haben ein loch gegraben / was sie aber darmit machen wollen/ haben jr die andern nit angezeigt.

Trüwel Greischerin Ulrich Greischers
Haußfraw/

Bekennet/ Es sey nicht weniger denn zehen Jar/ daß der Böß Geist zu ihr in Iltwald kommen / vnd sie in ihrer armut vnd kummer angefochten/ Daß sie seinen willen

so zu Schletstatt verbrent.

Willen thun solle/ er wöll ihr gnug geben/ auch sie geheissen/
wenn ihr jemandes leids thue/ sol sie demselben fluchen in sei-
nem Namen/ wie er sich denn Kreutlein genant/ vnnnd was Des Teufels
sie nicht thun wöll oder könn/ das woll er thun/ vnd zuwege Nam/ Kreutz
bringen/ hab jr also das erstmal ein Plappart dargeworffen/ lin.
da sie in auffheben wöllten/ sey es (mit gunst zu melden) Kopf
mist gewesen.

Item/ bald in 8. wochen darnach/ sey er auff dem ne-
wen weg widerumb zu jr kommen.

Item/ sie sey im sechs mal zu willen worden.

Item/ so hab sie auß anweisen ihres Bulen/ der Krebe-
rin vor 9. Jaren ein Kind mit einem tranck/ den er sie gelehrt
machen/ getödt.

Item/ vor langest Caspar Westerman seligen ein groß
vnd ein kleins Schwein verderbt.

Item/ sie hab vor jaren ein wellen holz auff dem neuen
weg getragen/ vnd ein Bauren von Hessen gebeten/ er solts
jr führen/ das er nit thun wöllten/ Darumb sie vber in erzür-
net/ vnd auß anreizung ihres Bulen/ in seinem Namen/ ein
kraut/ das er jr geben/ in weg gelegt/ vñ mit Erden verdeckt/
Denn er gesagt/ wenn er wider heim wil/ vnd darauff treten
würdt/ so muß er sterben/ welches geschehen/ der Baur habe
Hans geheissen/ vnd ein roten Bart gehabt.

Jacob Knappen zwey Schaff vmbbracht.

Gall Geyfrieden ein Hund getödt.

Hans Jonern ein Kalb getödt.

Vogel Hansen Frauen/ eine Kuh/ vnd ein Kalb.

Claus Lenken ein Kopf vmbbracht.

Claus Welten vor 5. jaren ein Kopf vmbbracht/ vnnnd
folgendes ein Kuh.

Von den Hexen!

Hans Dumen ein Kof.

Item/Bücher Deng/oder Deng Kueffern ein Kuh.

Item Claus Welten ein Schwein.

Item Dieboldt Fritschen seligen ein Schwein getödtet.

Item/Bles Kunküsten / oder Richarden ein Kinde geschedigt.

Item/sie hab auß anstiftung / vnd mit hülff des Bösen/dem Christman Scherer seligen / ein trunck geben/das ihm die Leber solt verfaulen/da das nicht bald geschehen/hab sie der böß weiter angefochten/vnd sey in gestalt einer Kaken bey nacht zu jme vber das Bett komen/ in beim Haar genommen/vnd ein griff in die seiten/in seinem namen geben / das er sterben müssen.

Sie bekent auch / das jhrer sechs gewesen / so zu nacht im Garten bey S. Leonhardt zusammen kommen/vnd haben ein loch gegraben/in willens ein Better zu machen/wo das Gott nicht gewendet/das die ganz Stadt solt vntergangen sein.

Sagt auch/jhr Bul sey bey jhr im Thurn gewesen/hab sie gehalten / das sie dem Boten nicht können antworten/vnnd jhr mit treuworten begegnet / Wenn sie was von jren Gespielen sagt/wöll er jr den hals umbtrenchen.

Nunckey von Kottenbura an der Tauber/Hans Engelmans des Kürfners Fraw.

Bekennet/ Demnach jhr vor Jaren die Stadt allhie verbotten worden / sey sie so gar in bekümmernus gefallen/das anfanglich der Böse / so sich nachmals Peterling

so zu Schletstatt verbrent.

Peterling genent / im Obern Feld zu ihr kommen / vnd denn an Bercken Landgraben sey sie dahinden blieben / sey er wider in gestalt eines Menschen / an sie gerathen / vnnnd gesagt / sie solle seinen willen thun / er wöll ihr wol helfen / das sie gethan.

Des Teufels
Nam / Peters
ling.

Item / da sie gesehen / daß er ein Geißfuß gehabt / daran sey sie erschrocken.

Item / daß er nachmals drey mahl zu ihr in die Neben kommen.

Item / vor Jaren / da sie noch zu Straßburg gehau-
set / hab sie ein beschlagene Muscatnus da gestolen / die habe
jr voriger Man verkauft.

Item / der Böß hab ihr auff ein zeit ein Hand vol Er-
den geben / die hab sie eins Becken Schweinen in das Essen
geworffen / daß sie daran sterben solten / wisse nicht / obs ge-
schehen.

Item / jr Bul hab jr Pillulen geben / die hab sie allhie
ober die Mauren in Pfarrhoff geworffen / dauon die Hünner
vnd Rappen gessen / vnd sterben müssen.

Item / dem Müller in der Illmühlen / hab sie ein Ross
vmbbracht / denn sie in einer Nacht auff einer Gabel hinauß
gefahren / vnnnd ihm darmit ein streich geben / daß es sterben
müssen.

Paulus Lassen / vnd der Frawen zum Schwerdt / hab
sie auch schaden am Vieh zugefügt.

Item / Michel Ael ihrem Nachbarn drey Schwein
vmbbracht.

Item / sie sey auch darben gewesen / da sie mit einan-
der ein loch bey S. Leonhardt gegraben / allerley herenwerck
zusamen bracht / lumpen / hund vnnnd kassenhaar / darein ge-

Von den Hexen!

Der Hexen
im Rith Bul
Lucifer.

legt/in willens/ein grausam Wetter zu machen/ aber einer
Hexen auß dem Rith Bul der Lucifer/hab nit kommen wöl-
len/ sonst haben sie ein gut mal vnd ein tank gehabt/ schöne
Silbergeschirz/wein vnd essen gnug/ aber kein Brot sey da
gewesen.

Item/jr Bul hab jr ein gleßlin mit salben geben/wenn
sie die gebraucht/sey sie dahin gefahren.

Eins mals haben sie ein tank bey Bercken gehabt/den
inen ein Hirt mit einer Sackpfeiffen gemacht.

Item/es seien jr auff ein mal bey 20. bey einander gewe-
sen/die alle schön in weiß gekleidt gewesen.

Item/wenn sie ein new Gespielen oberkommen/so
halten sie also ein Bancket.

Item/des Jars sey sie ein mal oder fünff also zu der
Gesellschaft hinauß gefahren/wenn sie denn ihr sach auß-
gericht haben/fahre sie mit der Burß wider herein/einsmals
hab sie sich versaumpt/vnd nicht herein kommen/als sie er-
wacht/sey sie in jrem Garten gewesen/wisse nit/wie sie dar-
ein kommen.

Item/der Böß sey zu jr in Thurn kommen/vnnd sie
durchs Gatter hinauß führen wollen.

Barbel Hans Schmidts Frau.

Bekennet / Als sie vor 16. Jahren vngefehrlich sehr
arm gewesen/weder Gelt noch Brodt im Hauß ge-
habt/vnd jre Nachbarn mit jhrem entleihen vnwill-
lig worden/sey jr Mann an einem morgen in die Neben gan-
gen/vnd jhr befohlen/sie sol ihm essen bringen/da sie nichts
gehabt/

so zu Schlettstatt verbrant.

gehabt/oder gewüßt/vnnd also gar in vnmut kommen/sey ein hüpscher Jüngling kommen/zu jr gesagt/ Wenn sie seinen willen thue/vnd sich jm ergeben/wöll er jr gnug geben/den sie sich betriegen lassen/hab jr nit mehr denn 3. heller gegeben/sey auch nichts guts gewesen/vnd sich genent/durch die hurst.

Des Teufels
Nam/durch
die hurst.

Auß anregung vnd mit hülff desselben/hab sie Martin Müllern in der neuen Mühlen ein jährig Kind vnnd ein Roß vmbbracht/ihr Bul hab sie in Ratzengestalt verwandelt/vnd gesagt/was ich dich heiß/das mustu thun/oder ich wil dir den Hals vmbdrehen.

Item/Jilg Kürnern hab sie 2. Roß vmbbracht.

Item/der Beurin beim Münster ein schwein.

Item/Diebolt Bärer ein Kuh.

Item/Balthasar Becken beim newen Thor ein schwein.

Item/Jacob Müllern dem Becken ein schwein.

Item/jr Bul hab sie angefochten/ihrer eignen Tochter Kindt ein schmachheit zubeweisen/in dem sey ihr ein wißlos Schaff zugestanden/dem hab sie dafür ein tritt geben/das es gestorben.

Item/sie vnd jr durch die hurst/haben Michel Speernern wollen vnter den Rossen ein angriff thun/vnnd als sie angefangen an der stallthür rumplen/hab der Knecht gesagt/Jesus behüt vns/da seien die Roß auffgewischt/haben also nichts können aufrichten/aber folgendts haben sie ihm ein Kuh auff dem eiß rumb gerissen/das sie nicht mehr gehen können.

Item/sie hab im sinn vnnd willen gehabt/Hessen Lorenzen den Kopff das hinder herfür zurücken/habs nit können zuwegen bringen.

Item/

Von den Hexen!

Item/ als sie bey S. Leonhardt zusammen kommen/
haben sie getankt/ gessen vnd getruncken/ vnd on Brot/ wol
gelebt.

Item / haben alle wollen ein Wetter machen/ daß der
ganz plan oder platz solt vntergangen/ oder zerschlagen wor
den sein/ aber es hab allein gedonnert.

Item/ sie sey bey 6. jaren auch darbey gewesen / daß sie
vnd jr gesellschaft ein hagel gemacht.

Item/ vor vergangen drey jaren sey auch ein hagel ge
macht worden/ da hab sie nicht können darzu kommen/ denn
sie krank gewesen.

Vnlangst seien sie auff dem vorster Metlein zusammen
koffen / haben ihr sach wollen aufrichten/ seien sie von den
Koswechtern vertrieben worden.

Item/ an dem tag/ als sie gefangen worden/ sey jr Ge
spielen eine zu jr kommen / vnnd gesagt/ sie wollen die nacht
ins Lißbruch.

So seie jr Bul desselben morgens auch zu jr kommen/
vnd gesagt/ sie solle sich rüsten/ sie muß bald auff sein/ da sey
sie in Thurn geführt worden.

Darauff / nach dem mit vrtail zu recht erkant/ daß sie
alle viere vom leben zum todt/ mit dem feuer sollen gericht/
vnd zu aschen gebrent werden/ Hat man sie Freitags den 22.
Septem. auß der gefengnis auff der Herrn platz/ wie breuch
lich/ nach sieben Uhren führen / vnnd in beysein vnd gegen
wertigkeit einer grossen anzal des Volcks / diese ihre verjicht
vnd bekentnis durch den Ehsamen vnnd wolgelehrten M.
Geruasium Bawman/ Stadschreiber/ verlesen lassen/ dar
über die beide/ Anna vnnd Ameleia/ viel gemurmert/ vnnd
grißgrammet / vnnd Anna etlichs gestanden / etlichs aber
wider:

so zu Schletstatt verbrennt.

widersprochen / vnd geleugnet hat / dazu die wolgenante
Herrn für das jüngst gericht geladen / 2c. Demnach aber
ihr warhafft vnd bekennliche Missethat verlesen / hat jnen
der Ehrsam weiß Herz Johan Wendlin Ergersheim der Eines Ersas
men Raths
erkentnis.
zeit Schultheiß auß ampts pflichten den Sentens vnd vr-
theil außgesprochen / Nemlich / daß sie zusammen mit dem
Fewer sollen gericht / vnnd zu aschen gebrant werden / wie
denn ein Ersamer Rath erkennet hab.

Darauff sind sie als bald hinauß zum Gericht ge-
führt worden / vnd da hat man ein wunderbar auch seltsam
Spectacul gesehen.

Denn erstlich ist die Barbara hie gefessen wie ein Barbara.
Bloch / wol hat sie dem Priester geantwortet / aber one eini-
ge seuffzen vber ihre sünd / verenderung ihrer farb / vnd an-
gesichts trawrigkeit / auch anzeigung des grausamen todes
forcht / vnnd herrlichen kummers. Die Trüwel aber ihre
Lehrtochter / ist aussen anzusehen gewesen / von wegen ihres
stetigen weinens / als wenn ihr von herzen leid / daß sie sich
dermassen dem bösen Geist verpflichtet / vñ hiemit von dem
waren ewigen Gott were abgewichen / derwegen sie auch
dem Priester gar fleissig zu gehört / vnd ordentlich nachge-
sprochen. Die andere zwei aber / nach dem sie neben dem
Herenwerck viel böser stück getrieben / begangen vñ gethan /
also sind sie auch mit neid / haß / vnd besonderer leichtfertig-
keit daruon gefaren / vnnd darumb haben sie den Priestern /
vmb jres getrewen zusprechens willen besondere scommata
vnd spöttliche schletterlin angehengt / vnnd sie damit hinge-
wiesen.

Wer nun dieses zu gemüt führt vnnd bedenckt / der
wird bekennen müssen / daß solches des Cains vnnd Judas

Trewel
latine fides.
Anna vnd A-
meleia.
Dergleichen
widfert auch
allen denen/
die sich dem
Teuffel zu ei-
gen ergeben/
denn sie ganz
von jme beses-
sen vnd eins
genomē sind.
Hinc Beda. Nihil
quidem nefando.
proditori profu-
it, eg Jse pœni-

Von den Hexen!

*tentiam, per quā
scelus corrigere
non potuit, sed
ad prius scelus e-
tiam proprij ho-
micidij crimen
addidit.*

sey nachthun vnnnd lassen gewesen / da der ein gesprochen:
Mein missethat ist grösser / denn das sie mir vergeben wer-
den mög/ 2c. Der ander aber: Ich hab vbel gethan / daß
ich das vnschuldig blut verraten hab: Er were wol gern zum
theil hinder sich gewichen / ja wo ihn der Teuffel nicht so
hart gefeslet/ Also auch hie/wiewol niemands sich zu einem
Richter dargeben vnd sehen sol / sondern alles vrtheil dem
gerechten/vnnnd von seim Himlischen Vatter verordneten
Richter Jesu Christo heim sehen vnd geben.

Als man aber mit diesen vier Weibern vnnnd zum
todt verurtheilten Hexen an diesen ort / da denn der rokus
vnnnd Holshauffen auffgericht vnnnd zubereit / kommen/
haben gleich die Hencker sampt ihren Knechten vnnnd Hells-
fern sie auff Leitern gelegt/vnd gebunden/ auch mit Ketten
daran gehefft / vnd damit in das angezündt Feuer geworfs-
fen / welche gleichwol kein zeichen der grausamen marter
geben/ vielleicht darumb / daß ihnen Pulffer für die Neus-
ler gethan / vnnnd sie gegen dem Flammen mit den Anges-
ichten sind gekehrt worden/ allein hat Ameleia etlich schrey
gelassen.

*Vulcanus execu-
tor faber ararius
qui perpetuo
tūm in igni tūm
infumo versatur
ac scintillis op-
pletur, Lucianus
de sacr.*

Da sol man billich sagen / wie ein so grosses Volck/
gewißlich etlich tausent Menschen diesen erschrecklichen
vnnnd grausamen Spectacul zugesehen/ das sich von vielen
orten herzu versüget vnnnd versamlet hat. Vnnnd wie die
Henckersbuben so emsig geflissen / vnnnd ernstlich gewesen
mit Stroh Wellen zutragen / auch zuscheuren / vnnnd mit
anderen Wercken / also / daß vielen gewesen / gleich wie
sie des Hellischen Vulcani, von dem die Poeten schreiben/
brennen vnnnd braten sehen / Demnach so haben sich
alle

so zu Schletstatt verbrent.

alle vnd jede sampt den weissen Herzen beiden Burgermeistern/ Valentino Goll / vnnnd Jacob Ostertag/ die denn hierzu verordnet gewesen / vnd wolgerüsten Bürgern / widerumb zu Hauß gemacht / vnnnd damit dem Urtheil statt geben würde/ hat man mit brennen nicht nachgelassen/ so lang biß diese Personen ganz vnnnd gar zu Pulffer vnnnd Aschen verbrennt worden.

Nach dem allem sollen billich alle vnd jede Christen/ in sonderheit aber die Weibs Personen / sich allezeit wol fürsehen/ vnnnd fast gute sorg haben/ wachen vnnnd betten/ wie den Christus gar getrewlich seine Jünger am Oelberg gelehret / vnnnd gedenccken / daß der arglistig Satan die ersten Menschen durch die Schlangen im Paradis angefochten / versucht vnnnd verführet. Dem bösen Geist aber ist das von **G D E** zugelassen/ damit der Mensch probiert vnnnd bewehrt würde / dieweiler vor ihm hat Feuer vnnnd Wasser / guts vnnnd böß / vnnnd nach seinem freien willen der beiden eines nemen köndt / vnnnd aber außsonderer schickung **G D E E S** ist der verdampfte Geist den Menschen zu versuchen / nicht in freundlicher/ lieblicher/ sonder erschrecklicher vnnnd abschewlicher gestalt erschienen/ damit der Mensch desto besser vnnnd leichter den betrug des leidigen Satans ergreiff vnd verneme.

Daß aber dermassen der Teuffel den Menschen listiglich hindergangen / betrogen vnnnd verführet / des hat **G D E** ein ewige Feindschafft gesetzt / zwischen den Teuffeln vnnnd Menschen / darumb sie / so viel ihr vermögen/ stetig den Menschen auff allerley maß / weiß vnd weg nachstellen.

Welche der Menschen grosse gefehrlichkeit der
D ij heilig

Matth. 26.
Vigilate & orate
ut non intretis
in tentationem:
Spiritus quidem
promptus est, caro
autem infirma.
Genes. 3.
Eccles. 17.

1. Pet. 5.

Von den Hexen/

Ephes .6.

Induite vos arma
turam dei.

Non aperto Mar
te.

Vt possitis stare
aduersus insidias
diaboli.

Principes & po-
testates.

Sumentes scutu
fidei, &c.

heilig Apostel Paulus gar wol bey ihm selbst bedacht vnnnd
erwegen / vnnnd demnach er begert auß sonderer trew vnnnd
liebe allen Christgleubigen vor nachtheil vnnnd schaden zu
sein / so hat er diese Lehr vnnnd getrewe warnung ihnen geben/
Nemlich / daß sie sich begeben in ein Geistlichen kampff
vnnnd streit gegen dem aller heftigsten Feind dem Teuffel/
Also ist ein jedes Haus ein Heer / daß sich dem aller sched-
lichsten Feind widersehen sol allezeit / so ist aber der Feind
nicht leiblich / sondern ein Geist / derwegen der kampff
vnnnd streit auch im Geist oder Geistlich geschehen muß/
vnnnd die armatur vnnnd rüstung wird Geistlich sein müs-
sen / sol man anders diesen feind ein widerstand vnnnd ab-
bruch thun / vnnnd dieweil er fast listig / kompt er nicht
mit seinen offenen Kriegs vnnnd Schlachtordnung / son-
dern heimlicher nachstellung vnnnd tückischem auffsatz / da-
mit er die Menschen betriege/sahe vnnnd vmbbringe/darumb
gebraucht er sich / damit sein Abgötterey einzudringen/
vieler falscher vnnnd betrieglicher ding / die er artlich ver-
mentelt / vnnnd der warheit gleich machet / da spricht der
heilig Paulus / sol sich ein jeder wol fürsehen vnnnd bewaren/
niemandes sol faul vnnnd treg sein / vnnnd gedencken / dieser
dein Widersacher vnnnd Todtfeind / ist zu starck vnnnd mecht-
tig / er heist principatus & potestas, ein grosser gewalt/
wer wil einem solchen gewaltigen Feind widerstehen / vnnnd
ihn überwinden / sondern ein jeder sol seine Lucken ver-
tretten / mit seiner guten rüstung / daß ist / er hab ein
steiffen vnnnd vngeweißelten glauben / der empfahe vnnnd ab-
halt / gleich wie ein starcker Harnisch vnnnd schilt/ die
scharpffen pfeil vnnnd streich / welches seind die bösen sched-
lichen ansechtungen / begirden vnnnd vngleubliche ge-
danken/

so zu Schletstatt verbrent.

danken / Als von der aufferstehung/ dem vrtheil/ ewiger
verdammnuß vnd ewigem leben / Die denn gar recht Pau-
lus ignea tela, fewrige pfeil nennet / dieweil die der Men-
schen herken vnd gemüter anzünden / vnnnd wo man nicht
gleich daruor ist/ dieselbigen gar außbrennen / Vnd hierzu/
darmit der grausam feind vberwunden werd / thut auch
viel das Wort **G D E E S** / welchs darumb der hei-
lich Apostel ein zwey schneidigen schwert vergleicht / wo
dieses mit gutem fleiß vnd gemüt gehört / gefast vnnnd wol
behalten ist/ Denn also hat auch Christus selber den Teufel
in der Wüsten vberwunden / vnnnd aber nicht allein ihm
selbs/ sondern auch allen seinen lieben Rechtegleubigen/dar-
für denn sie ihm allezeit lob / preis / ehr/ vnnnd danck sagen
sollen in ewigkeit/ Amen.

*In qua positis
omnia tela ne-
quissimi ignea
extinguere.*

*Et gladium spi-
ritus, quod est
verbum Dei.*

Die vergicht vnd bekantnuß einer andern Hexen.

Dem Otten Anna / sol versehen vnd bekent haben/
wie sie ihre eigene kinder geleimt / vnd vmbgebracht/
neben anderem schaden / die sie Viehe vnd Leuthen
zugefügt / Da sie aber neben den andern Hexen in der Kefe
vnd gefengnuß gelegen/ ist sie den 17. Decembris von irem
Teuffel Haschpele / den sie allzeit den schwarzen Teuffel
genant/ jemmerlich vmbgebracht worden/ denn da hat man
viel löcher in ihrem haupt funden / darzu hinden / vnd for-
nen viel langer freß vnnnd schrens / als wenn sie etwan mit
den Laken gerissen / Am andern tag aber/ morgens
früh / ist sie beim hohen Gerichte
vergraben worden.

D iij

D. Marz

D. Martinus Lu-

therus im Buch/das Celloquia oder
Tischgespräch genant wirt / cap. 24.

Von Zauberer/Teufelsgespenst/vnd
Hexeren/ *Campſionibus* vnd Wechſel-
Kindern.

Derselb D. Martinus Lutherus.

DEt gibt dem Teufel vnnnd den Zaube-
rern auff zweierley weiß gewalt/vber die
Menschen: Erstlich vber die Gottlosen/
wenn er sie straffen wil/ von wegen ihrer
Sünden/ Zum andern vber die Frommen/ vñ Gott
fürchtigen/wenn er sie versuchen wil/ ob sie beständig
im glauben/vnd in seinem gehorsam verharren/vñ
bleiben wollen/etc. Vnd fürwar one Gottes willen
vnd verhengnuß/kan der Teufel keinem Menschen
einigen schaden zufügen.

Lactantius Firmianus, Diuina, In-
stitutio. lib. 3.

Rauus ac subdolus spiritus malignus, inimicus ho-
Pminis, hostisq̃ iustitiæ, Hic insidiatur vniuersis: Eos
autem qui Deum sciunt, dolis & astu aggreditur,
vt cupiditate aut libidine inueniat, aut peccatis depras-
uatos impellat ad mortem, vel si dolo nil profecerit, vio-
lencia deijcere conatur, &c.

Isidorus de summo bono, lib. 1.

Diabolus serpens est lubricus, cuius si capiti, id est,
primæ

so zu Schletstatt verbrent.

prima suggestioni nō resistetur, totus in intima cordis,
dum non sentitur, illabitur, &c.

Ergo resistamus ei fortes in fide,

1. Pet. .5.

Wieder Teufel die Leut betriegen/vnd
Kinder zeugen kan.

Dector Martinus Luther sagte/ daß er selbst von H.
Johans Friderich / Churfürst zu Sachsen / eine
Historien gehört hette / daß ein Geschlechte vom
Adel in Teutschlanden gewesen / dieselbigen weren geboren/
von einem succubo / Denn so nennet mans / wie den die Re-
lusina zu Lüsselburg auch ein solcher Succubus oder Teuf-
fel gewesen ist.

Es were aber also zugegangen / Ein Edelman hatte ein
schön jung Weib gehabt / die war im gestorben / vnnnd auch
begraben worden. Nicht lange darnach / da ligt der Herr
vnnnd der Knecht in einer Kammer bey einander / da kompt
des nachts die verstorbene Fraw / vnnnd lehnet sich vber des
Herren Bette / gleich als redete sie mit ihm. Da nun der
Knecht sahe / daß solches zwieren nach einader geschähe / fra-
get er den Juncfern / was es doch sey / vnd ob ers auch wisse /
daß alle nacht ein Weibsbild in weissen Kleidern für sein
Bett komme. Da sagte er / nein: Er schlaffe die ganze nacht
auß / vnd sehe nichts. Als es nu wider nacht ward / gibt der
Juncfer auch acht drauff / vñ wachet im Bette. Da kompt
die Fraw wid für das bette / Der Juncfer fraget / wer sie sey:
vñ was sie wolle? Sie antwortet / sie sey seine Haußfraw.
Er spricht: Bistu doch gestorben / vnd begraben. Da ant-
wortet

Von den Hexen

wortet sie: Ja/ sie habe seines fluchens halben/ vnd vmb seiner sünden willen sterben müssen. Wölle er sie aber wider zu sich haben/ so wolt sie wider seine Haußfraw werden. Er spricht: Ja/ wenns nur sein kündte/ Aber sie bedingt auß/ vnd vermanet ihn/ er müste nicht fluchen/ wie er denn einẽ sonderlichen fluch an ihm gehabt hatte/ denn sonst würde sie bald wider sterben. Dieses sagte ihr der Mann zu/ Da bliebe die verstorbene Fraw bey ihm/ regiert im hause/ schlefft bey jm/ isset vnd trinckt mit jm/ vnd zeugete Kinder. Nun begibt sichs/ daß einmal der Edelman Geste krieget/ vnd nach gehaltenen Malzeit/ auff den Abend/ das Weib einen Pfefferkuchen/ zum Obst/ auß einem Kasten holen solte/ vnd bleibt lang aussen/ Da wirdt der Mann schellig/ vnd flüchet den gewöhnlichen fluch/ da verschwindet die Fraw von stundt an/ vnd war mit ihr auß. Da sie nun nicht wider kam/ gehen sie hinauff in die Kammer/ zu sehen/ wo die Fraw bliebe. Da ligt ihr Rock/ den sie angehabt/ halb mit den ermeln in dem kasten/ da ander theil aber herausen/ wie sich das Weib hat in Kasten gebückt/ vñ war das Weib verschwunden/ vnd sidder der zeit nit gesehen worden. Das thut der Teuffel/ er kan sich in einer Frawen vnd Mannes gestalt verkeren.

Iam est Quæstio, Ob das rechte Weiber seien/ vnd oba rechte Kinder seien: Davon sein das meine gedanken/ daß es nicht rechte Weiber sein können/ Sondern es seind Teuffel/ vnd gehet also zu. Der Teuffel macht inen die geplerz für die augen/ vnd betreuget sie/ daß die Leute meinen/ sie schlaffen bey einer rechten Frawen/ vnd ist doch nichts/ Desgleichen geschichts auch/ wenns ein Man ist/ Den der Teuffel ist krefftig bey den Kindern des vnglaubens/ wie S. Paulus sagt. Wie

Vnd Wechselfindern.

Wie werden aber die Kinder gezeuget? Darauff sag ich also: Daß diese Söhne sind auch Teufel gewesen/ haben solche leibe gehabt/ wie die Mutter. Es ist warlich ein greulich schreckentlich Exempel/ daß der Satan so kan die Leuthe plagen/ daß er auch kinder zeuget. Also ist es auch mit den Nixen im wasser/ der die menschen zu ihm hinein zeucht/ als Jungfrawen vnnnd Regdt/ mit welchen er darnach zuhelt/ vnd Teufelskinder zeuget. Denn sonst kinder zeugen/ allein ein Göttlich werck ist/ vnd da muß vnser Herr Gott schöpfer sein. Den wir nennen in ja allzeit Vatter/ vnd muß auch die conceptio per constituta media & per homines in einem momento geschehen/ Denn er gebraucht zur schöpffung der menschen/ als ein mittel/ vnd durch dieselbige wirckt er alleine/ vnd nicht durch den Teufel. Darumb so müßens gestolene kinder sein/ wie denn der Teufel wol kinder stelen kan/ Wie man denn bißweilen wol kinder in 6. wochen verleuret/ oder müssen suppositicij sein/ wechselfinder/ die denn die Sachsen nennen Kiellkröpff.

Historia von einem Wechselfinde zu Dessau.

Dracht jaren war zu Dessau eins/ das ich Doctor War. Lut. gesehen vnd angegriffen habe/ welches 12. Jar alt war/ seine augen/ vnnnd alle sinne hatte/ daß mann meinete/ es were ein recht Kind/ dasselbig thet nichts/ denn daß es nur fraß/ vnd war so vil/ als jrgends vier Bau ren oder Drescher/ Es fraß/ scheiß vnd seichte/ vnnnd wenn man es angreiff/ so schreie es/ Wenns vbel im hause zugienge/ daß schaden geschah/ so lachet es/ vñ war frölich/ Sieng
E es aber

Von den Hexen/

es aber wol zu/so weinete es/ Diese zwo tugend hatte es an sich/ Da sagte ich zu den Fürsten zu Anhalt: Wenn ich da Fürst oder Herr were/ so wolte ich mit diesem Kinde in das wasser/in die Molda/so bey Dessaw fleust/vnnd wolte das Homicidium dran wagen. Aber der Churfürst zu Sachsen/so mit zu Dessaw war/vnd die Fürsten zu Anhalt/wolten mir nit folgen/ Da sprach ich: So sollten sie in der Kirchen die Christen ein Vatter vnser bitten lassen/das der liebe Gott den teufel hinweg neme/ das thete man teglich zu Dessaw/da starb dasselbige Wechselkind im andern jar darnach. Also muß es da auch sein.

Es hat einer sonst von den Succubis vnd Incubis fein geschriben/ Denn es ist nicht seltsam/vnd sind die Succubi weiber/welche mit den Teufeln zuthun haben/vnd denselbigen alten huren vnnd wettermacherin die lust büßen/wie die Melusina zu Lügelsburg/ auch ein solcher Succubus vnnd Teufel gewesen ist.

Anno 1541. hat D. Luth. dieser Historie auch vber tisch gedacht/vnd das er den Fürsten von Anhalt gerathen hette/ Man solte den Wechselbalck/ oder den Kieltropff (welches man darumb so heisset/ das es stets kilt im kropff) erscheyssen. Da ward er gefragt/warumb er solchs gerathen hette? Antwortete er darauff/das ers genzlich darfür hielte/das solch Wechselkinder nur ein stück fleisch/eine massa carnis sey/da kein seel innen ist/denn solches könne der Teufel wol machen/wie er sonst die menschen/so vermunsst/ja leib vnd seel haben verderbt/wenn er sie teiblich besitzet/das sie weder hören/noch sehen/noch etwas fühlen/er machet sie stumm/taub/blind/da ist den der Teufel in solchen Wechselbeigen/ als ihre seel. Es ist eine groffe gewalt des Teufels/das er vnser her-

vnd Wechselfindern.

fer herken also gefangen helt. Vnd sprach: Origenes hat die gewalt des Teufels nit gnugsam verstanden/ da er in den gedanken gewesen ist/ daß am jüngsten tage die Teufel von der ewigen verdammnis solten erlöst werden. Ach saget er / es ist eine grosse Sünde des Teufels/ daß er sich wissentlich wider Gott seinen Schöpffer setzet.

Ein ander Historie / von einem Wechselfinde.

In Sachsen/ bey Halberstatt/ hat ein Man auch ein Kilkropff gehabt/ der seine Mutter/ vnd sunst 5. Mämen gar aufgesogen/ vnd vber das viel gefressen hatte/ vnd seiner seltsam begunt. Diesem Manne haben die Leute den rath geben/ Er solt in zur Balsart gen Hockelstat zur Jungfraw Marie geloben/ vnd daselbst wiegen lassen. Diesem folget der Baur/ vnd tregt in dahin in eim forbe/ wie er in aber vber ein wasser tregt / vnd auff dem steg oder Brücke gehet/ so ist ein Teufel vnten im wasser/ der ruffet jm zu/ vñ spricht: Kilkropff/ kilkropff/ Da antwort das Kind/ so im forbe saß/ vnd zuuor nie kein wort geredt hatte/ Ho/ ho/ Des war der Baur vngewonet/ vñnd sehr erschrocken / Darauff fraget der Teufel im wasser ferner/ wo wiltu hinc Der Kilkropff sagt: Ich wil gen Hockelstatt zu vnser lieben Frawen/ vnd mich lassen wiegen/ auff daß ich möcht gedeien.

Wie solches der Baur höret/ daß das Wechselfind reden fund/ welches er zuuor nie von jm vermerckt/ wirt er zornig/ vnd wirfft das Kind als bald ins wasser mit dem forbe/ darinne ers truge. Da waren die zween Teufel zusamen gefahren/ hatten geschrien/ Ho/ ho/ ha/ mit einander gespielt/ vñ sich vberworffen/ waren darnach zugleich verschwunden.

Solche Wechselbelge vnd Kilkropffe/ Supponit Satan

Von den Hexen!

es aber wol zu/so weinete es/ Diese zwo tugend hatte es an sich/ Da sagte ich zu den Fürsten zu Anhalt: Wenn ich da Fürst oder Herz were/ so wolte ich mit diesem Kinde in das wasser/in die Molda/so bey Dessaw fleust/vnnd wolte das Homicidium dran wagen. Aber der Churfürst zu Sachsen/so mit zu Dessaw war/vnd die Fürsten zu Anhalt/wolten mir nit folgen/ Da sprach ich: So solten sie in der Kirchen die Christen ein Vatter vnser bitten lassen/das der liebe Gott den teufel hinweg neme/ das thete man teglich zu Dessaw/da starb dasselbige Wechselkind im andern jar darnach. Also muß es da auch sein.

Es hat einer sonst von den Succubis vnd Incubis fein geschrieben/ Denn es ist nicht seltsam/vnd sind die Succubi weiber/welche mit den Teufeln zuthun haben/vnd denselbigen alten huren vnnd wettermacherin die luft büßen/wie die Melusina zu Lüsselburg/ auch ein solcher Succubus vnnd Teufel gewesen ist.

Anno 1541. hat D. Luth. dieser Historie auch vber tisch gedacht/vnd das er den Fürsten von Anhalt gerathen hette/ Man solte den Wechselbalck/ oder den Kieltropff (welches man darumb so heisset/ das es stets kilt im tropff) erseuffen. Da ward er gefragt/warumb er solchs gerathen hette? Antwortete er darauff/das ers genzlich darfür hielte/das solch Wechselkinder nur ein stück fleisch/eine massa carnis sey/da kein seel innen ist/denn solches könne der Teufel wol machen/wie er sonst die menschen/so vermunsst/ja leib vnd seel haben verderbt/wenn er sie leiblich besitzet/das sie weder hören/noch sehen/noch etwas fühlen/er machet sie stumm/taub/blind/da ist der Teufel in solchen Wechselbelgen/ als ihre seel. Es ist eine groffe gewalt des Teufels/das er vnser her-

vnd Wechselfindern.

fer herhen also gefangen helt. Vnd sprach: Origenes hat die gewalt des Teufels nit gnugsam verstanden/ da er in den gedanken gewesen ist/ daß am jüngsten tage die Teufel von der ewigen verdammnis solten erlöst werden. Ach saget er / es ist eine grosse Sünde des Teufels/ daß er sich wissenlich wider Gott seinen Schöpffer setzet.

Ein ander Historie / von einem Wechselfinde.

In Sachsen/ bey Halberstatt/ hat ein Man auch ein Kilkropff gehabt/ der seine Mutter/ vnd sunst 5. Mämen gar aufgesogen/ vnd vber das viel gefressen hatte/ vnd seiner seltsam begunt. Diesem Manne haben die Leute den rath geben/ Er solt in zur Balsart gen Hockelstat zur Jungfraw Marie geloben/ vnd daselbst wiegen lassen. Diesem folget der Baur/ vnd tregt in dahin in eim korbe/ wie er in aber vber ein wasser tregt / vnd auff dem steg oder Brücke gehet/ so ist ein Teufel vnten im wasser/ der ruffet jm zu/ vñ spricht: Kilkropff/ kilkropff/ Da antwort das Kind/ so im korbe saß/ vnd zuuor nie kein wort geredt hatte/ Ho/ ho/ Des war der Baur vngewonet/ vñnd sehr erschrocken / Darauff fraget der Teufel im wasser ferner/ wo wiltu hinc Der Kilkropff sagt: Ich wil gen Hockelstatt zu vnser lieben Frawen/ vnd mich lassen wiegen/ auff daß ich möcht gedeien.

Wie solches der Baur höret/ daß das Wechselfind reden fund/ welches er zuuor nie von jm vermerckt/ wirt er zornig/ vnd wirfft das Kind als bald ins wasser mit dem korbe/ darinne ers truge. Da waren die zween Teufel zusamen gefahren/ hatten geschrien/ Ho/ ho/ ha/ mit einander gespielt/ vñ sich vberworffen/ waren darnach zugleich verschwunden.

Solche Wechselbelge vnd Kilkropffe/ Supponit Satan

Von den Hexen/ vnd Wechselfindern.

in locum verorum filiorum, vnd plaget die Leut darmit/
Denn diese gewalt hat der Satan / daß er die Kinder auß-
wechselt/ vnd einem für sein Kind ein Teufel in die Wiegen
legt/ daß den nicht gedeigt/ sondern nur frisset vnnnd seuget/
Aber man sagt / daß solche Wechselfinder vnnnd Rilköpffe
vber 18. vnd 19. jar nit alt werden. Diß geschicht nu oft/ daß
den Sechswöcherin die kinder verwechselt werden/ vnnnd die
Teufel sich an ire statt legen/ vnd sich garstiger machen mit
scheissen/ fressen/ vnd schreien / denn sonst andere gehen Kin-
der / daß die Eltern für solchen vnflatern keine ruhe haben/
vnd die Mütter also außgesogen werden/ daß sie nicht mehr
stillen können.

Vnd als Doc. Luth. vber Tisch gefragt ward/ ob man
auch solche Wechselfinder pflüge zu teuffen. Da antwort er:
Ja/ denn man kennet sie nicht bald im ersten jar / Sondern
man kennet sie alleine an dem/ wenn sie die Mütter also auß-
saugen. Es sagte D. Luth. darauff: Lasset vns den Teufel nit
also verachten/ Er ist warlich ein tausentkünstiger/ Sehet/
wie er den armen Knaben vberleitet hat / der sich hie in Am-
brofij Reuters Hause/ Anno 1538. am 5. tag Decem. zu tode
gefallen hat / der doch ein frommer vnnnd fleissiger Student
war/ Aber als er auff den abend vmb 4 vhr/ obē im hause ste-
het/ fellet er plötzlich herab / vnd stirbt. Diesen

tücken kan der Teufel auch from-

men herken beweisen.

E N D E.

